

Revera 3	Revera 4	Revera 5	Revera 6	Revera 7	Revera 8
Akarongo ki te tuatua i roto i te pupu rikiriki, pupu katoatoa no te akataka i tana i marama	Akarongo, pukapuka ki tetai ua atu no te akataka i tana i marama no runga i tetai angaanga tei tupu, marama kimikimiia no runga i tetai ua atu tumu manako, te manako e te tamanakoanga a tetai ua atu no runga i te reira, ma te piri katoa ki te uriurianga tuatua tetai ki tetai, pupu rikiriki, me kare, pupu katoatoa.	Akarongo, akariari manako ki tetai e tetai no te au akaaereanga, puapinga, mako i te au akapapaanga manako tei akarongoia, te ka riro i te tauturu i te au tuatau uriurianga manako.	Angaanga kapiti no te akarakara matatio atuanga ki runga i te tu akapapaanga, akamaramaanga, tamanakoanga manako ei akamou, ei tauturu ia ratou i roto i te au tu tuatuaanga ta ratou ka akarongo.	Piri atu ma te akarongo meitaki ki tetai vaa tuatua e kia rauka i te akamaramaanga na roto i te paupau atuanga i te aiteanga o te au akaaereanga manako, akatakaanga e te au tamanakoanga tana i akarongo e kia riro aia ei akateretere i te tuatau uriurianga manako.	Akarongo ki tetai vaa tuatua, kia marama i te urianga e te pauanga atu i te au manako akatakaanga, akamaramaanga e te au tamanakoanga no te akamatutu, akamaroiroi kia puapinga te tuatau uriurianga manako no te au angaanga tei raveia, me kare ka raveia no tetai au akakoroanga.
Akarongo, ki tetai ua atu tataanga, akarongo i te au manako puapinga kia tau ki tana i kite e tei marama.	Akarongo, akakite mai i te akakoroanga, te manako maata na roto i te akapapaanga i tana uianga e te pauanga ei turu i tana tamanakoanga e ko teia tei tupu.	Akarongo, oora manako, no te au tu tataanga tua, maiti i te au manako puapinga, manako turuturu, e kia marama katoa i te au manako oonu i roto i te au tataanga tua tuketuke.	Akarongo, ooraanga au manako no runga i tetai au tataanga, kia rauka i te akaari mai i te au manako puapinga, turuturu e te marama katoa i te au manako akapapuanga, tamanakoanga e te akaaereanga manako tau.	Akarongo e te paupau atu i te au manako i roto i tetai au tua tuke ma te marama i te rito o te au manako, tei kimikimi matatio meitakiia, akamarama mai i te au akaaiteanga manako i roto i teia au tua e te au karere puapinga e to ratou akapapaanga.	Akarongo, uri i te aiteanga o te au manako tei tataia, e kia marama te ikianga i te au manako puapinga i roto i te tua ma te paunu e te akarakara matatio atuanga i te au karere puapinga e te au akapapaanga manako i roto i teia au tua.
Tuatua kia takataka i roto i te pupu rikiriki, pupu katoatoa no runga i tana i kite e tei marama, angaanga tei tupu ma te oronga katoa i tona manako no runga i te reira, na roto i te akapapaanga i tana ka tuatua e tana ka pau ki te manako ta tetai ua atu ka oronga mai.	Tuatua kia takataka i roto i te pupu katoatoa, me kare, pupu rikiriki no runga i tana i marama, angaanga tei tupu ma te oronga katoa i tona uorai manako no runga i te reira, na roto i te akapapaanga i tana ka tuatua, tana ka uiui ei turu i a ia e tetai ua atu.	Tukatau meitaki i te tuatua, ooraanga au manako ki tetai au pupu rikiriki, me kare tetai urupu tangata ei akaarianga i te au manako akapapu, tamanakoanga, akamaramaramaanga tei raveia.	Tu katau te tuatuaanga no runga i tetai au tu angaanga tei tupu ana, no te koukouanga i te au kiteo o te tangata ei akaari mai i te au manako akamaramaanga, tamanakoanga, e te atui atu tetai ki tetai.	Tukatau tikai e te pakari o te tuatuaanga no te au akakoroanga tuketuke i te koukouanga i te au kiteo, e no te au angaanga tei raveia, akakitekite mai e te makitiroanga o te au akamaramaanga manako, tamanakoanga e te akateretere i te tuatau uriurianga manako.	Tukatau te tuatuaanga i tona manako kia ariu mai te manako o te aronga e akarongo mai ra ki a ia, kia ariki ratou i te reira, ei tauturu i a ia i te au tuatau taumaroanga tuatua, koukouanga manako ei akaari mai e kare e aiteite ana te au manako e taumaroia nei, kia akamaramaia te turangai pera ei tona manako.
Tua, tatau i tetai tataanga tana i tamou ngakau, tatau maata, akaariari, me kare, akatutu na roto i te akapapaanga i te ka tuatua kia ngoie i te opu i te aiteanga.	Tua i tetai tua, angaanga tei tupu, tatau i tetai tataanga tana i tamou ngakau, tatau maata, akaariari, me kare, akatutu na roto i te akapapaanga i te ka tuatua kia ngoie i tetai ua atu i te opu i te aiteanga.	Tua, tatau, akaari, akatutu mai i tetai au tataanga tua tuketuke, akapapa i te au pakau te ka taangaangaia, te au kupu kia tau no te akamaramaramaanga, akaaiteanga kia marama te aronga matakikiti i te karere i roto i ta ratou akaariarianga.	Tatau tua, akaariarianga, akatutu mai e te akapapa meitaki i te au pakau te ka taangaanga i roto i te tuatuaanga, akaariarianga, akatutuanga ei akareka i te au matakikiti kia mara i te au karere ta ratou e inangaro nei kia maramaia.	Taangaanga i te au tua tuketuke na roto i te tatauanga, tua akaouanga, akapapaanga i te au manako puapinga, me kare akatutu takitai, i roto i te pupu no te akaariari e te urianga mai i to ratou marama no runga i teia au tua e kia akapapa meitakiia te au pakau puapinga tikai no teia akatutuanga, ma te iki i te au tu karape no te tuatua ei akari mai i te au akamaramaanga, te aiteanga e te au tumu i pera ei.	Tatau, akatutu, akakoukou, akaari mai i tetai akaariarianga no runga i tetai au tua tuketuke i roto i te pupu me kare takitai ma te akatano i te au karape o te tuatuaanga tei taangaangaia no te akamaramaanga o te au manako e te urianga i teia au manako no tetai au akakoroanga te ka tupu.
Iki, tatau i te au tataanga tuketuke o te tuatau taito, to teia tuatau no te inangaro, tukatau i te taangaanga i te au kite karape tatau tuketuke.	Iki, tatau i te au tataanga tuketuke no te inangaro e te kimi marama ou, na roto i te atui aere mai anga i te au raveraveanga e te kite karape tata tuketuke o te angaanga tatau.	Iki, tukatau, tatau koia anake i tetai au tataanga no runga i te au mea i tupu ana, te tupu nei e ka tupu a tetai au tataanga tua taito, ma te timata i te taangaanga i te au karape o te tatau no tetai au akakoroanga ke.	Iki e te takataka i te tatauanga o tetai au tua tuketuke, mei te au tua tei tataia i teia tuatau, me kare no tetai tuatau ua, tua taito, ma te akamanako meitaki i te rito o teia au tua ki tetai ua atu tua me taangaangaia.	Iki, tukatau i te tatauanga i tetai au tua tei tataia no tetai tuatau poto, tuatau roa, no teia tuatau e te au tua taito o te Kuki Airani nei, e tetai au tua, e au manako puapinga, tamanamanata to roto, iki i teia ma te akatanoano te reira ki te au karape o te tatau, te paranianga no tetai au akakoroanga keke ua atu.	Tatau, e maaa ua atu rai te au tua tuketuke tei tataia, ei akamatutu i te turanga tatau, kia marama i te au akatakaanga manako i roto i te au tua tei tatauia e kia mataora katoa i te kimikimianga i te au manako e te puapinga o teia i roto i tona oraanga.
Uriuri tuatua no runga i te tu o te reo i taangaangaia, aiteanga, manako maata o tetai ua atu tataanga na roto i te taangaangaanga i tona kite marama e te karape.	Uriuri tuatua no runga i te tu o te reo i taangaangaia, te aiteanga e te manako maata o roto i tetai ua atu tataanga, na roto i te atui aere mai anga i tona kite marama e te karape ki te akakoroanga, te turanga o te tangata e tetai au tataanga tana i tatau.	Uriuri manako no runga i te reo, te aiteanga, te au manako o roto i te au tu tataanga tua te au tua taito ma te akapiri atu, te taangaanga te reira ki tona uorai kite-o, au akakoroanga, e tetai ua atu au tu tataanga tua tana ka tatau	Uriuri manako, akarakara matatio i te tu o te taangaanga i te reo, te aiteanga, te au manako e te rito o te au tua o teia tuatau, me kare tetai tuatau, me kare tua taito ma te akamanako meitaki i te aiteanga oonu tikai o teia au tua.	Akarakara matatio i te taangaangaangaia o te reo e te au manako i roto i te au tu tua tei tatauia, e tei akaari mai to ratou marama no ta ratou e tatau ra na roto i te uriurianga manako, te puapinga i te akapiri atuanga i te reira ki tetai au akakoroanga te ka raveia.	Akarakara matatio i te aiteanga e te au manako i roto i te au tataanga tua tuketuke, mei te au tua taito, te au tua o teia tuatau e te akarakara akaou atuanga i te akapuapingaangaia o te Reo Maori tei tau ki te manako o te au tua tei tataia.
Tata no runga i tetai tumu manako, angaanga tei tupu, tona kite marama e te karape no runga i tetai angaanga, tumu manako tana i akarakara matatio ma te kore e parani.	Tata i tetai angaanga tei tupu, tona manako no runga i tetai ua atu tumu manako, me kare tataanga, ma te makitiro oonu atu i te au manako puapinga o roto e te tata i tana i akarakara matatio ma te kore e parani.	Tata putuputu e te tukatau i tetai au pauanga ki tetai au manako, kite-o tangata e te akarakarakara akaouanga ki tetai au manako i roto i te au tu tataanga tua ei akamatutu i tona turanga i te tataanga i tona uorai au manako.	Tata putuputu ma te marama meitaki tikai te manako, te au kite-o o te tamariki no runga i tetai au mea tei akarakara matatio ia no te akamatutuanga i tona turanga tata tua.	Tukatau i te tata tua ei akaari mai, urianga i te au manako ma te makitiro atuanga ki te au kiteo tuketuke, au manako, te tu o te tataanga, e, i te 'anga'anga i tona uorai manako e ka akapeea i te pau atu ki te au manako tei tataia.	Taangaanga putuputu i te au akaaiteanga tuatua Reo Maori i roto i te au tataanga tua, na roto i ta ratou ikianga tau ka riro ei manakonakoanga, ei urianga manako e te kimikimi matatioanga i te au kiteo tuketuke, te tu o te au manako tei taangaangaia ma te akaari mai i te au manako ngata i te tarataraanga.
Tata no runga i tetai tumu manako, te marama mai ra i te iki i te reo, te paaanga reo tano te ka taangaanga i roto i te au tataanga atu tuketuke.	Tata no runga i tetai ua atu tumu manako, te nakiro aere mai ra i te akatanotano e te tata akaou i te au tataanga takere tana i tata ana no te akaariari marama, manako, na roto i te taangaangaanga i te reo, te paanga reo e te akairo takiato tau.	Tata i tona au manako no runga i tetai au Tumu manako tuketuke, akatanotano meitaki, i roto i tetai au tataanga, 'atu korero tuketuke, ma te iki i te au kupu tano te ka taangaangaia ei akamatutu i tona turanga i teia tu tataanga.	Tata i tetai tua no runga i tetai au tumu manko tuketuke, akatanotano, akatanotano meitaki, ei akaari mai i to ratou kiteo, au manako akareka i roto i tetai au imene, pee, purua, ute tei 'atuia, iki i te au akaaiteanga tuatua tano ma te taangaanga meitaki i roto i tana tataanga e kia marama meitaki aia e ko teia ei turanga tiratiratu tikai.	Tata i tetai au tataanga no runga i tetai au tumu manako tuketuke, akatanotano meitaki i te au manako ei kimikimianga matatio e te tamanakoanga i tetai au manako i roto i te maataanga imene, pee, purua, akatutuanga, akatikitianga ma te taangaanga atu i te karape o te 'atu.	Tata mai i tetai au tataana tua, purua, imene, pee, ute, akatutuanga e managanui no runga i te au tumu manako tuketuke, ma te akatanotano meitaki i te taangaanga i te Reo Maori e kia akaari mai e kua puapinga te u manako tana i taangaangaia.
Tata akaueanga, kia akamaramaanga, akakitekiteanga no runga i tetai angaanga tei tupu ma te oronga katoa i tana au tamanakoanga no runga i te reira.	Tata akaueanga, akamaramaanga e te akakitekiteanga i tetai angaanga tei tupu, akataka ma te akamarama i te manako o tetai ua atu no runga i te angaanga tei tupu na roto i te akapapaanga i tana ka tata kia tau ki te turanga o te tangata.	Tata e te akapapu i te au akamaramanga, akakitekiteanga, e te akapapuanga manako no tetai au angaanga tei raveia, e kia akaariia mai te manako patoi, atui atu i te au manako tauturu papu tikai e te akapapaanga tau ki roto i te au tu tataanga tua.	Tukatau i te tataanga mai i te akapapaanga, akamaramaanga, akatakaanga au manako, ma te akaari mai i te au manako patoi, atu katoa mai i te au manako puapinga e te turuturu, akatanotano meitaki i te au manako i roto i tetai au akapapaanga manako ke atu.	Tata kia maramarama meitaki tetai au akamaramaanga, ripoti, taumaroanga tuatua no runga i tetai au manako ma te akapapa meitaki i te reira, e kia kimikimi matatio atu i te au pakau te ka tau kia taangaangaia i roto i teia tataanga kia marama tetai ua atu te ka tatau i teia tua, te rito o te au manako i roto.	Tata akamaramaanga, ripotianga no runga i te au tumu manako tei kore i nakiro meitakiia e te taumaroanga i te oonuanga o te manako i roto i te tataanga ma te akapapa meitaki i te au mea tei kimikimi matatio meitakiia tei tau no te akaariari atuanga i roto i te au tuatau akariarianga manako.
Ariu ki te, uriuri i te aiteanga, te maanko maata, akakite e te akataka i te puapinga o ta te reo, te ata noo tamou, te ata oriori ka akatupu.	Ariu ki te, uriuri i te aiteanga, te manako maata, akakite mai i te akakoroanga i taangaanga kapitiia ai te reo e te tataanga kiteia e te mata tangata e tana ka akatupu.	Kite e te marama i te au manako i roto i te au akaariarianga kare e oriori, akariarianga oriori, kia rauka oki i te tamariki i te paupau e te uriuri atu i te aiteanga o te au manako ta ratou i matakikiti atu ma te akamarama katoa mai i te pirianga o te tuatua vaa e te reo matakikitianga.	Na roto i te akatutuanga kare e oriori e te oriori kia rauka i te tamariki i te kapiti i te tuanga o te tuatua, kare e tuatua, na roto i te akarakaraanga i tetai au akatutuanga tei akaari mai i te au akamaramaanga no runga i tetai au angaanga tei tupu me kare ka tupu e pera katoa tetai au karere ki tetai au rotaianga tangata.	Taangaangaia i te ata oriori kore, e te ata oriori no te 'anga i te au takaianga o te akaariarianga e tetai au tekinoriti me kare karape o to tatou ui tupuna ei akaari mai i te manako akamaramaanga no tetai angaanga tei raveia, te akaaereanga o te tua e te au karere puapinga.	Ka rauka i te uri mai i te au manako i roto i te au pakau ta te tamariki i akarakara ki te au pakau oriori, me kare oriori kore, me kare tutu e te vai atu ra, ma te akarakara ki roto i te akanoonoanga o te au manako, te akakoroanga e te au karere puapinga i roto i ta ratou urianga na roto i te akamaramaanga mai i te reira i roto i tetai akatutuanga, tataanga me kare toro tutu.
Taangaanga i te reo, ata noo tamou, te ata oriori, tau no te akaariari marama, kimikimi manako maata, tua na roto i te taangaangaanga i te au raveraveanga tuketuke mei te teata taviri tutu, nenei, akatutu tua.	Taangaanga i te reo, te tataanga kiteia e te mata tangata no te apaipai karere, manako, me kare, akakitekiteanga no tetai angaanga tei tupu, na roto i te akatutu tua, teata taviri, tutu nenei, me kare tetai ua atu ravenga e taangaangaia ana e te mitia.	Taangaanga i tetai au tu akariarianga kare e oriori, akariarianga oriori kia rauka i te tamariki i te kapiti te tuatua, te matakikitianga no te akakitekiteanga karere, manako, me kare no tetai au angaanga tei tupu, ki tetai putuputuanga.	Tatau i te au akairo, tutu, takiato korero e tetai au akatutuanga, te akatutuanga kare e oriori e te oriori, ei ravenga na te tamariki i te pau, uri mai i te au manako e te au aiteanga tuke, te puapinga i roto i ta ratou akaariarianga ma te akamarama mai e, i akapeea te tuatua vaa e te au tutu takiato korero i te kapitianga no te au akakoroanga tuketuke.	Tukatau, marama te tatauanga i te au manako i roto te au pakau tei matakikitiia, e te au akatutuanga tua, akatutuanga kare e oriori e te oriori, akarakara meitaki ki te tuke o te au tua tei taangaangaia, akaite atu e, i akapeea te akapapaanga o te reo tuatua e te au tua tei tatauia e te kapitianga ia raua i te akatuke i te aiteanga, te puapinga e te tu o te au matakikitianga.	Taangaanga i teia nga akatutuanga oriori, me kare e oriori i te 'anga'anga i te au karape o te akatutuanga, taangaangaia te tekinoriti ei ravenga no te ooraanga atu i te karere o te akamaramaanga, e te au manako e umumuia nei kia marama te au matakikiti i teia tuanga apii.